

2 John

Saint John Dęhtły'aa Needąąntł'oo

¹Jii t'ee nakhwach'anjaa ts'an t'inchy'aa. Jii nakhwats'ą' dįhtł'oo. Ch'ahan inlii ts'ą' Vit'eegwiyąhchy'aa gwitee tr'anaąhchįį, ts'ą' nigii naįį chan. Datthak kheihłok łyaa zhyąą nakhweet'ihthan. Shąh zhrįh, jyaa danakhwałthan kwaa, gaą juu Gwandak Nizįį zhit łyaa juu Vit'eegwiyąhchy'aa nilii haandaii naįį tthak łyaa nakhweet'igiindhan.

²Gwandak Nizįį łyaa t'igwinyąą gaagwiindaii, aįį geh'an łyaa nakhweet'iriindhan. Aįį Gwandak Nizįį khik diihaa t'ihēechy'aa. ³Vit'eegwiyąhchy'aa, Diiti' oaazhii, Vidinji', Jesus Christ, haa ch'eegoonzhrįį diits'an gahah'yaa, diineenjit chan zhuut'igiheechy'aa, tsinehdan chan diinaa googwahaąąh'yaa. Christ k'injiighit naįį łyaa zhyąą tr'inlii ts'ą' łyaa zhyąą nihłēet'iriindhan, aįį geh'an jii kwaii khik diits'an heelyaa, ch'eegoonzhrįį, zhuut'iichy'aa, tsinehdan haa.

**Vit'eegwiyąhchy'aa Viginjik Zhrįh K'eegohthat aįįts'ą'
chan Łyaa Zhyaa Nihłēet'ahąhkhyaa Gwizhrįį**

⁴Nakhwatr'iinin lat naįį zhrįh Diiti' viginjik k'eegwahthat gwinyąą, Diiti' nats'ahts'ą' diits'ą' k'eedeegwiildhat gwik'it. Izhik t'ee łyaa zhyąą geenjit shoo ihłįį. ⁵Tr'injaa, juk akqo danaihnyąą, "Datthak łyaa zhyąą nihłēet'irihęęghyaa gwizhrįį." Jii nats'ą' ch'adįhtł'oo, Vit'eegwiyąhchy'aa t'oohju' zhat diinaa gwaandak kwaa, gaą nijin drin vit'injiraahchy'aa tr'aadlit gwats'an hee

gaagwiindaii. ⁶Diits'a' k'eedeegwaadhat vik'eegwarahthat ji', t'ee vich'et'igwiniidhan tr'ii'ij̄ garagwahaahchy'aa. Christ k'injiighit naj̄i nihleet'iindhan ts'a' nats'ahts'a' googwandaii, āij̄t'ee Christ k'injiighit gaadlit dāi' gwats'an hee gwiintth'ak, izhik gwik'it khik adagwaandaii.

⁷Dinjii lej̄i neech'an'ee naj̄i dzaa nankak leedaa. Jii dinjii naj̄i t'ee, “Jesus Christ dinjii k'it t'inchy'aa ts'a' dzaa nankak neehoozhii,” duuyeh ginyāa. Āij̄i juu jyaa dinyaa kwaa naj̄i t'ee Christ ts'i' t'iginchy'aa naj̄i. Jii dinjii naj̄i t'ee neech'an'ee gwik'it ginlii. ⁸Adak'oqontii, gwitr'it gwintsii goohtsaj̄i āij̄i zhyāa an gweheelyaa gwits'i', āij̄i ji' t'ee jidii Vit'eegwijyahchy'aa nakhwats'an ołtsyaa yindhan tthak nakhwats'an gweheelyaa.

⁹Juu Christ viginjik ooltin gāa thok hee adakhai' nats'ahts'a' geech'oolchya' yindhan gwik'it t'ii'in ji', āij̄i'ee Vit'eegwijyahchy'aa haa nilii kwaa. Juu Christ viginjik ooltin izhik gwizhrij̄i geech'oāahtan, āij̄i'ee Diiti' ts'a' Yidinji' haa nihlaa gavaa nilii. ¹⁰Nijin dinjii ch'ijuk Christ viginjik nakhwats'a' geech'oāahtan, izhik zhat vats'a' googaa gohkhyaa shr̄o', nakhwaa chan gooch'i' shr̄o', vadraii gaa ch'ahoiin'aa shr̄o'! ¹¹Juu zhyāa goots'a' khaginkhee ji', nats'ahts'a' geech'agoāahtan gwizhit goojyaa heelyaa.

Jyaa Dagwahtsii Gwizhrij̄i

¹²Łyaa k'eegwiichy'aa gwinlej̄i nakhwats'a' t'ihihjyaa gwishi'ij̄i, gāa dehtly'aa kak gwidiij̄ht'oo ts'a' gwik'it t'ishi'in izhik ts'āij̄i gitr'i'ih'ee. Gāa nakhweenoihshi' yiihthan, āij̄i ji', k'eegwiichy'aa gwinlej̄i gwishi'ij̄i datthak geenakhwaagwahaldak. Āij̄i'ee gwik'iighai' datthak diinaa shrigweheechy'aa.

¹³Neejii, juu Vit'eegwijyahchy'aa gwhitee tr'iiyāahchij̄i vigii naj̄i, “Nakhwadiveegooz̄u',” nakhwagahnyāa.